

地、420.63
42
部=1-4



通化縣志

署 李春雨



中華民國十六年五月

通化縣志

李鎮華敬題

通化縣志序



縣志者一部分之社會史也集各省縣志而薈萃之撮其要擷其精而全國之民情之地輿之物產無不瞭然如掌上螺紋善謀國者大抵懃懃於是以爲施政之權輿往歲司省政之長官根據部令檄奉天省所屬各縣纂修縣志尅期觀成蓋亦欲爲亨毒全國之預備也當是時予適觀察東邊一道遵令督促未敢或懈顧時局倏優所轄諸邑感感保治安之不遑奚暇與邑之士大夫徵文考獻從事於纂述是以兩年以來告成者蓋寥寥焉獨權通化縣事李君東垣本年四月函告通化縣志纂輯竣事錄記例言二十則而以序爲請予職責所在誼不容以不

通化縣志序

奉天作新印刷局印

文辭按通化設治於前清末季墾闢蕪萊庶事草創迨民國改建始爲完邑物用旣饒民獻亦修舉凡田廬芻牧之數禮俗文化之紀驗駸乎日新月異於前宜以要最著於官書使守土者辨肥瘠而布其利察奢儉以制其俗且以待司省政者考驗社會之進步以通人地之所宜而彙進之謀國者以備一道同風時斟酌損益之甄採非第空文而已李君之勤烏可沒哉况值艱難兀臬之時而不廢考墜訂遺之雅固僻在偏偶民情樸厚使然顧李君之度抑何其好整以暇哉脫非政通人和何以得此嗚呼可以風矣至於蒐輯之翔實體例之嚴正敘述之淵雅編訂之完密予雖未窺見一斑而以李君綱舉目張有條不紊之治績

推之知必有以鑒士夫之望也他日殺青既竟予當先覩以爲快云

中華民國十有六年四月東邊道道尹盤山邴克莊敬如甫序於行政
官廨

通化縣志序

二

奉天作新印刷局印

通化縣志序

新紀元十有四年九月余攬轡東來任本縣第一科科長職是年十二月二號前任袁公以疾卒於官時值郭軍倒戈人心洶洶城內刀斗一夜數驚適省憲令春雨護理知事余乃安民戢盜寢寐不安今則屈指年餘幸與地方父老得慶更生而父老亦樂安余之拙也居嘗與地方紳耆訪舊事徵遺聞深以縣志闕如爲憾嗣於接管卷檔中得潘再前任茂蓀公通化縣志遺稿若干篇盥讀之餘知公吉光片羽已先得我心獨於體制詳於表而略於志非公之智有所不逮也修史之難莫難於志其勢不能以兩得也案牘之暇擬與教育所長李曉峯公欸主任

通化縣志序

三

奉天作新印刷局印

邵緯宸提議哀集而增修之以竟潘公未竟之志惜公務牽掣而未果會客秋奉省令有修縣志之舉爰設縣志編查館於縣中學校址延李君曉峯董其成邵君緯宸長編輯並延聘宿儒徐君冠堂宮君憲斌孟君伯蓀爲編輯員函聘警學兩所長農商兩會長暨八區區長本署兩科長都十四員分任調查余担任籌款任人之責而於茲編內容未嘗著筆幸自紀元十五年八月開始編纂迄十六年二月而蒞事自惟庸愚乃得觀厥成不可謂非幸事也至茲編內容關於疆域沿革人事變遷暨山脈河流橋樑道路警甲商學農工市政實業交通風俗人情一一備載所以鑒前事之不忘思繼起之有功也並繪縣境城市之圖撮

山川名勝之影所以壯山河之氣而鍾人文之靈也與事諸君煞費苦心成此巨製其愛桑梓之忱俱於此編見之愧余謏陋不能爲文以發皇光大之茲述本編始末於弁首以爲他年雪泥鴻爪之紀念云爾

知通化縣事銀州李春雨東垣甫識

通化縣志

序

四
奉天作新印刷局印

通化縣志序

輿地之有志古也自成周大司徒掌天下土地之圖以周知廣輪之數而職方氏之志復加詳焉迨漢滅秦蕭何入關先收圖籍始具知天下阨塞戶口之差然則輿志之宜尙也由來舊矣况自西學東漸對於輿地測驗方位經緯言之尤詳而謂邊圉藩服要荒甌脫之區顧可無書以垂諸久遠乎此通化縣志所以不可不修也溯余於民國十二年十一月膺縣長袁公兩田之聘佐治斯邦彈指之頃瞬經四載對於地方行政民生疾苦毫無補救清夜自思尙何言哉然人民感激仲卿猶戀桐鄉風土宜人永叔不忘穎上余之服務斯邦已屆四載則佟水皇山

通化縣志序

五

奉天作新印刷局印

實不啻我之第二故鄉也而我又烏可無一言半語以識之哉考通化爲巖疆重鎮漢唐盛時威德加於朝鮮半島松花鴨綠之間往往夷爲郡縣明時建州衛而通化屬焉有清設治注重邊徼而通化之幅員乃浸淫而孳大今日者物阜財豐地力未艾礦區林業日見增多又孰謂扶輿磅礴之氣不鍾於此間也深望地方父老及有民物之責者宜整躬率物以厚其風俗興養立教以廣樹人材多方摩劃以盡其地力廣研樹植以擴其生產行見旣庶旣富繼之以教則此縣之曙光未始不可與內省各縣並也區區之忱尙望邦人君子有以採擇焉

通化縣署清鄉幫審員兼代第一科長莊河許東昶謹序

通化縣志序

丙寅夏五月通化教育所長任滿奉令調省正整裝俟駕之時而縣長李公東垣遣使持書敦勸備至聘余爲縣志編查館長適逢盛舉遂效微勞倘使簡編有光敢辭謏陋無似乃率爾操觚竄定其間亦以見義勇爲故而承乏與榮焉昔江淹有言修史之難無出於志誠以志者憲章之所繫非老於典故者不能爲也况通化開闢未久文獻無徵余何人斯敢膺此重任乎所賴邦人諸友示我周行若戰寶三諸公之旁搜博採調查周詳若徐冠堂諸公之拾遺補闕編輯精良鴻篇鉅製實億萬年之大業自夏徂冬凡六閱月而成書異日者呈之大府藏之名山

通化縣志序

六

奉天作新印刷局印

豈復敢以斯文自詭略以此編爲後之人考古之一助云爾曉峯李鎮

華謹識

通化縣志序

新紀元十有五年秋九月通化縣志編查館成創舉也館長李君曉峯以編輯荐聘四人章與焉辭弗獲因思邑志猶國史也政教風俗之蹟山川險隘之要鄉村道里之制與夫民度之文野物產之盈虛莫不具備遷史班志其先例也故編志首以體例爲要而體例尤與時爲新舊守舊者簡而拘鶩新者濫而陋明洪武初元史出世多遺議則知志以體例爲經而故實其緯也體例明則書之大略具焉矣次則調查調查不備則掛一漏萬不詳則無從著手故編輯尤以調查爲前驅也章分任名勝古蹟風俗藝文祠宇謹依體例搜索補綴勉竭謏劣稿及期成

通化縣志序

七

奉天作新印刷局印

用是而慨然矣通化自設治六十年來志乘缺然編志在內地名都則文獻足徵以爲守成例事通化則僻在邊徼從來未有實始創新紀也難易自有間焉昔宜興潘茂蓀先生治是邦嘗手創志書矣惜未觀成而先生沒而稿亦佚嗚呼道之廢興遲早蓋有天焉天祚文明則煌煌鉅製燦然爛然媲美名都先覩爲快矣乃不俾一人成於前而必使羣力效於後則進化之運於今爲烈掌故紀新更益多多而吉光片羽猶得憑而踵事增華以竟其志此豈非天哉他日梓出邦人覽之亦將有感於斯編時維丁卯春花朝序於館之西軒冠堂徐潤章識

通化縣志序

通化當白山支麓踞佟江中游環境百里嶺峻江湍蓋肅慎遺封久成
荒僻險塞之區三代以前渺矣秦漢而後時則屬挹婁時則屬勿吉時
則屬渤海時則屬契丹時則屬建州興京兩千年來東方之屏藩也往
者山林甫啟地曠人稀視同甌脫前清同光之間政府注重東陲遴員
設治於是錢塘金波張公首蒞斯土築城郭建官署理田疇設學塾一
掃筭路藍縷之風繼任若廖鏡如若慕平甫若史耀五類能以勸農興
學稱及前監督潘公茂蓀下車攝篆更蒸蒸日上矣公南中名孝廉
也敦歷仕途舉以兩漢循良自矢自是興學校課農桑辦警察倡商礦

通化縣志序

八

奉天作新印刷局印

百廢俱興不遺餘力進步之觀一日千里公餘之暇集紳耆訪遺聞做
史漢表志體例手編縣志用徵文獻潤章嘗從公學得觀底稿惜書將
成而公捐館稿亦旋佚可慨也去年秋省令勒限修志監督李公東垣
不棄謫陋謬委潤章與邵君緯宸徐君冠堂孟君伯蓀等四人分任編
輯更委館長李君曉峯董其成經始於丙寅秋脫稿於丁卯春凡六閱
月而蕝事潤章所分編者爲兵事區村山川險隘疆域建置六項以淺
膚寡聞之資而敢貿焉應命潦草塞責者皆撫拾潘公之殘遺也抑尤
有進者嘗聞方志之作網羅散佚譔集舊聞爲史者資焉昔漢之疆也
劉向言域分朱贛條風俗班氏資以爲志蜀之啓土楊戲陳術之徒各

著書論益都人物陳氏資以爲傳今茲通化縣志一編吾同人之志豈敢以記方隅之故實爲史官之要刪哉夫亦誘進邦人使勉強學問且使數典而勿忘其祖也書既成例有序故爲之弁

中華民國十六年三月一日憲斌宮潤章識

通化縣志

序

九
奉天作新印刷局印

通化縣志序

瀋陽孟慶芳伯蓀

余自弱冠弄柔翰即慨然有四方之志深恥夫雕蟲小技追章琢句徒
姝姝於一先生之言或高談而無根或勦說而不當者皆不足爲也洎
壯歲畢業國立瀋陽高等師範國文科欲周遊四方歷覽名山大川以
擴其胸襟耳目猥以家貧親老不得不假舌耕以謀養而鱸堂坐困做
嫁因人不第足跡未涉天下十分之一即古人所箸經世之書亦多十
未窺一二居嘗引以爲憾焉甲子秋膺通化中學國文講席之聘路出
鐵背山薩爾濟建州衛等處流連前朝戰爭之地及龍興之都慨然想
見帝業締構艱難而荒服甌脫之區實爲兵家必爭之地也越建州而

通化縣志序

十

奉天作新印刷局印

東山則龍蟠虎踞崗則馬逸牛奔行旅雖爲之稍阻然扶輿磅礴之氣
葱鬱肅穆之靈而懷琦抱璋之士剛毅有爲之人又未始不鍾於此間
也莅通後輒喜與名豪賢士交且於課餘時約詩侶提毫携榼日遨遊
於玉皇佟水間肆志徜徉歌吟呼嘯若忘其爲客者故寄居茲土匆匆
三年雖無奇景勝地足以消遣世慮鼓盪志氣然潭湧鴨江之綠日華
鵲果之朱又未嘗不悲縣志未刻古籍無徵也閒與摯友李君曉峯宮
君憲斌張君太璞道及此議宮君曾泫然涕零曰昔吾師宜興潘公茂
蓀曾手撰是書矣惜書未成而公歸道山余聆宮君之言不禁嘆既未
得見潘公之爲人復不得睹其書可慨也會客秋省憲有飭修縣志之

令監督李公東垣廼續而成之遂延李公曉峯董其成聘邵君緯宸徐君冠堂宮君憲斌分任編纂芳以非材亦幸與焉稿既讐校藏事例應有序余乃奮然興曰古之通儒碩彥未有不以朝章國典民風禮俗世運隆替吏治臧否爲兢兢者也試徵諸鄭漁仲王伯厚魏鶴山馬貴與顧寧人諸賢著述具在沿革可考又烏有空疏無本之學哉芳自早歲蓋嘗有志於綴緝顧家無墳索插架之收藏胸鮮博古通今之淹貫間有足跡所到發爲詩歌者而詞多不雅馴豈復敢以斯文自詭今幸得隨諸君子後分纂教育警察實業官署物產宗教僑寓等志語焉弗詳罣一漏萬訛謬之愆知所弗免然必鯁鯁而爲之者蓋猶曩者之志也

通化縣志

序

十一

奉天作新印刷局印

嗟乎登長白之高峯溯渾江之巨流馳騁乎鴨綠洪濤之中今日之局勢果如何耶撫今追昔亦足悲矣藁既脫僭弁數語於簡端以稔世之留心邊事者

通化縣志序

通化設治五十載從前爲中韓國界封禁之地邊臺看守限制人民樵牧重邊防也自清初至同治末季二百餘年人跡罕到安有歷史迨光緒建元之次歲盛京將軍崇實奏請開邊以旺清門東至鴨綠江爲我邑之區域與南之桓仁寬甸安東北之海龍同時而置縣初劃五十三保生聚教養闢草萊如闢鴻荒漸集十九萬民士農工商成都邑各成駿業嗣後兩遭水患損失孔多一次陷城逃亡大半幸流離還集之後人心猶能振作不數年舊業皆復戶口漸形增益土地亦多開墾忽奉令分治臨江長白輯安柳河新設四縣割我壤地三十一保去歲金川

通化縣志

序

十二

奉天作新印刷局印

又割我東北四村疆域縮小治化較易則調查編輯亦較周詳現時民智之開通教育之普及市鎮之興盛警甲之設備在在胥關政治即在宜有記載文獻無徵何以昭後世喻來茲知事李公東垣奉飭修志聘李君曉峯爲編查館長又聘徐君冠唐孟君伯蓀宮君憲斌與

共同編輯

芳齡

辭不獲已祇得以老荒附驥幸前任潘公茂蓀督修鄉

土誌

芳齡

曾侍筆硯間聊窺一斑知其美善惟文明進步一日千里今

昔滄桑俯仰之間已爲陳迹不得不踵事增華周諮博探纂一邑事僅爲一邑之信史毫無史才史筆不過剽竊史之榜樣以志吾邑之概略掛漏遺譏知所難免歷述顛末即以之爲序

緯宸邵芳齡序

通化縣志序

書叙九州詩陳列國方輿詳紀山川貨殖兼稽俗尙輿志之編由來尙矣我通地處東陲開闢未久志乘向付闕如自民元改建宜興潘公茂蓀來守斯土公餘之暇糾耆舊訪佚聞程土宜辨封域著鄉土志略二卷未及付梓公卒于官遺稿散佚不全吾鄉耆舊引以爲憾焉客秋省憲通飭修志監督李公東垣乃率僚屬士紳踵事增華續而成之未及八月斐然成帙恩適由臨溟樞務歸來得讀新稿深幸秉筆諸公均能仰承潘公遺意訪聞周至記載翔實吾鄉文獻賴以足徵也丁卯春縣農會會長改選樛櫟如恩謬膺會務孟夏既望館長李公曉峯以縣志

通化縣志序

十三

奉天作新印刷局印

將付手民凡爲團體領袖例應有序因亦徵序于恩嗚呼以恩之謏陋奚足以光志乘然生於斯食於斯聚家族於斯者已數十年桑梓誼重雖欲無言得乎今夫通化之爲邦北倚龍崗南俯修江東望老嶺西跨康刪氣脈深厚人民樸誠蓋東邊最上之農產區也往者風氣半開墨守舊法人多舍本而逐末今者新制漸明大利所歸人爭趨焉幸而茲志內容尤能詳列物產特重農作凡表式論列不主故常均徵適用邦人士果能資以考驗將見農學倡明農業發達不及十年富甲全省矣然則此志也饗我農界多矣豈如温大雅之記王業徒諒定文畢仲衍之祀汾陰僅傳名義也哉是爲序

農會會長趙鴻恩謹序

通化縣志序

國之有史所以載歷代興亡之迹帝王將相之賢否其善可以爲法其惡可以爲戒維持名教於無窮者也縣之有志所以記一邑之地理山川風俗物產人民政治以至於志士仁人孝子賢孫流風善政上可以別理亂下可以正文化鼓勵民氣於百世者也其名雖殊其義則一也竊查我通地處奉省東陲本朝鮮之舊壤爲李唐太宗所開拓者祇以鞭長莫及歷代廢棄及前清末葉諭令人民自由開墾由是接踵而來者不乏人矣迨至光緒初年人烟日形稠密始設治而立縣迄今五十餘年之間文化之盛風俗之美物產之饒人情之淳樸莫不蒸蒸日上

通化縣志序

十四

奉天作新印刷局印

儼有太古之遺風焉前經縣長潘公蒞任茲土勵經圖治闢草萊除荊棘懋遷有無商賈於是乎雲集振興教育人才於是乎蔚起誠東陲之巨鎮實潘公熱心訓誨之力也潘公又於政事餘暇招集文學之士相與考其山川宣其教化訪查其習尙分門別類纂輯成帙名之曰鄉土志是即通化縣志之所由始也但爾時草昧初開規模未宏體制雖云粗具而不能無闕遺掛漏之憾也肇自民國十有五年歲次丙寅縣長李公來守是邦政簡刑清素存潘公之志而未逮適奉省令各縣一體編修縣志李公奉令之後積極進行乃開設編輯館分委調查員凡一邑之事詳略畢具巨細靡遺六閱月而厥功告成是書既著其於風俗

山川人情物理足資考證者寓勸懲於簡編別褒貶於記載直與史冊
爭光矣我通之人於二公之德有不崇尙馨香祝禱者哉余學淺才疏
部附纂修之末因不揣固鄙聊備俚詞以記其梗概焉

通化縣商務會長戰慶吉

通化縣志序

十五

奉天作新印刷局印